

靈寶无量度人上品妙經卷之十九 地九

十方聖境品

道言昔於靈華天中景耀迴風大圓化土受
元始度人十方聖境无量上品元始天尊當
說是經周迴十過以召十方始當詣座天真

七九

大神上聖高尊妙行真人十方聖境化土世
界仙君仙王無鞅數衆乘空而來玄雲飛霞
鳳輿朱輪葆蓋交陰琅碧騰輝洞徹八冥晃
耀太空九日九夜諸天日月官府星垣帝闕
寶觀朱樓神嶽瓊山璇臺劫仞下及蒼丹之

界玄素之鄉清都九淵六周十極光明照朗
通達無礙一國地土山川林木緬平一等無
復高下土皆作黃玉中天正炁交灌坤丘神
化平夷無有異色衆真環侍元始天尊安坐
太虛九芒赤文火玉之座說經一徧諸天大
聖同時稱善是時一國男女仰聽玄音悉悟
妙道說經二徧目覩神化洞徹萬緣說經三
徧合會正炁皆能闡法說經四徧億劫積滯
隨念消融說經五徧金真散結百關流通說
經六徧地生寶華天敷玉文說經七徧悠悠

群類克保完堅說經八徧鬼官罷對幽魂上
升說經九徧虛皇妙光照暎十方无量元宮
分形應化一切天人隨方敬仰說經十徧玉
符下降安鎮神山度世升平永無劫運是時
一國是男是女莫不傾心皆受開濟咸得長
生

道言是時元始天尊說經一徧東方无極无
量品仁旺大神無鞅之衆浮空而至說經二
徧南方无極无量品合明大神無鞅之衆浮
空而至說經三徧西方无極无量品皓元大

神無鞅之衆浮空而至說經四徧北方无極
無量品玄光大神無鞅之衆浮空而至說經
五徧東北无極无量品保安大神無鞅之衆
浮空而至說經六徧東南无極无量品流運
大神無鞅之衆浮空而至說經七徧西南无
極无量品鎮紀大神無鞅之衆浮空而至說
經八徧西北无極无量品持綱大神無鞅之
衆浮空而至說經九徧上方无極无量品生
方大神無鞅之衆浮空而至說經十徧下方
無極无量品延康大神無鞅之衆浮空而至

十徧周竟十方天真聖境大神一時同至一
國男女傾心歸嚮來者有如輕鹿重霧億乘
萬騎玄雲四會天澤霽周素煙層沓非可禁
止於是元始手出妙光化一圓象結成寶雲
瑩若明月在空玄之中去地百丈元始登引
天真大神上聖高尊妙行真人十方无極天
真大神無鞅數衆俱入寶輪之中天人仰看
惟見導從自輪影中入既入輪影不知所在
國人廓散地常清潤無復更變元始即於寶
輪之內說經都竟衆真監度以授於我當此

之時欣慶難言法事周悉衆靈復位俄爾之
間杳無遺音是時天民遇此大範普獲惠濟
全其天年無有天傷合境歸仰咸悟道緣不
懈不退不敗不遷不苟不諂不私不偏不佞
不黨不過不愆言宗至理命保長延齊同慈

地九

三

智心契高玄國境豐寧帝祚綿綿法始流布
一國以道預有至心宗奉敬衛皆得度世

道言元始天尊說經中所言蓋是三天化炁
謠歌大範之音亦是十方聖境真仙之隱名
也非世之常辭上元開運真人通微悟玄能

悉其章誦之十過九天稱慶群靈列言三官
執籍簡奏玉京日月騰輝星網順行大魔伏
謁衆祿束形濟生度死朽骸成人太極飛仙
誦之十過則十方境界無極靈鄉下逮神州
洞泉海嶽有生安泰各遂逍遙所以爾者上
聖高真挺自然之秀育質碧霄生而知道故
感格玉清無所不度飛仙中真積學修鍊而
契於玄雖證位同聖非上元之比但濟世境
而已不能制天政也輕誦此章身則被殃宗
敬保祕立著元功世世昌熾善根興隆衆邪

不干天神護門斯經玄奧萬境所尊度人無
極爲生道之宗皇皇正範難可勝量

道言凡誦是經十過洞章玄音上達玉清感
格虛皇降三天正真九陽積妙太玄之炁下
開八門灌注流入羅鄴幽音泉曲冥關度爾
億曾萬祖受苦魂爽克得化鍊上升朱陵皆
應真期靈符攝生得爲至人而好學上經果
備功圓皆得飛仙超升玉闕遊眄九霄也鴻
學之士修誦是經皆即受度高宴南宮世人
受誦則壽極三元後皆得證太陰鍊形之道

靈寶无量度人上品妙經

藏質九淵寄身后土魂不蕩空魄不沉滯歷劫周還即獲更生一切天人悉獲受度无量景福幽顯蒙惠上玄所禁未傳于世至士特重寶效心盟誓而傳輕泄玉章殃連七祖長役土官侍經聖境玉童玉女各四十八人營

地九

四

衛神文保護受經者身

道言正月長齋誦詠是經具光下濟溥釋幽陰為上世亡魂斷滅罪結升度朱宮七月長齋誦詠是經正真生炁流灌心田金錄注名身得高仙十月長齋誦詠是經聖境內通法

耀外明爲國王帝主保延世境安鎮萬邦欣
樂昇平大福無疆三辰寧順天壽永昌八節
之日誦誅是經得爲流珠絳闕保生真人本
命之日誦誅是經十方大聖化境高尊乘雲
駕龍來詣監盟書名元斗列表玄冥百神集
會功著九天大魔保舉形飛列仙

道言行道之日皆當香湯沐浴齋戒入室
東向叩齒三十二通上聞三十二天心拜
三十二過閉目靜思身坐碧絳紫三色雲
炁之中內外蒼冥有青龍白虎朱雀玄武

師子白鶴羅列左右十方聖境一時同見
日月照明洞煥室內項生圓象光暎十方
如此分明密呪曰

无上玄元太上道君召出臣身中三五功曹
左右官使者侍香玉童傳言玉女五帝直符

地九

五

直日香官各三十二人關啓所言今日吉慶
長齋清堂修行至經无量度人願所啓上徹
徑御

无上三十二天元始上帝至尊几前早

引炁三十二過東向誦經

卷第十九

元始无量度人上品妙經

元始洞玄靈寶本章十方聖境上品神霄神
化度人赤符隱韻騰耀自然混漠洞冥虛無
玉真肇開元範大合神靈虛皇一炁植立諸
天斯構十方五劫推遷七變神州十轉天關
玄妙聖境仙真帝臣開明三道散化五形萬
象齊立虛極靈根上周復景獨運爲身華晶
至應大朴靈文九霄冲感風激飛煙迅網木
輪交瓊深淵皓皇廣布元運包纏是爲造化
十極將分鬱嶽瓊臺蕭仞遐京上窮圓象琳

靈寶无量度人上品妙經

闕飛青眇眇帝无恧巍巍劫城三靈玉筵太上
玄庭金閣華房森列流精廣霞育无恧周變千
靈中有十天校錄之神中有方諸上道之君
中有洪聖妙元之真中有合境開導丈人中
有東華南極西靈北鬱四維上下列聖高真
共敷大範開化天人執天正憲无量度人今
日集會攝召臨軒

東方聖境賢善世界正化神王長生大聖无
量度人

南方聖境明離世界真慧神王長生大聖无

量度人

西方聖境皓洞世界招仙神王長生大聖无

量度人

北方聖境清淨世界多吉神王長生大聖无

量度人

東北聖境妙華世界北九威德神王長生大聖无

量度人

東南聖境九真世界福滿神王長生大聖无

量度人

西南聖境流光世界金華神王長生大聖无

靈寶先天度量上人妙品經

量度人

西北聖境玉宸世界神智神王長生大聖无量度人

上方聖境紫虛世界道樞神王長生大聖无量度人

下方聖境慈護世界救厄神王長生大聖无量度人

十方無極通變神王飛空度世開化大神並乘絳雲綵輿碧輦羽蓋瑤輪驂駕玄鳳白虎斑龍建元暉玉節七耀靈旛前列十天大帥

卷第九十八

後從黃闕化兵猛馬蒼麟騰擲辟邪天官啓
塗玄真翼轅億乘萬騎浮空而來傾光回駕
聖境度生太微玉輔元素上靈神章鴻化大
洞高尊統天執法齊會帝前隨方立應簡示
諸天普告八極寒夜靈關洞神左府北水九
地九
淵太上羅豐六洞三宮曲池龍廡大劫河源
威光九仞長役風庭火山冰鏡億零女青大
君符命時刻飛昇斷絕惡趣消滅罪根陽燿
下濟原赦幽魂朱官受鍊仙變成人生身合
炁隨運長存因緣輪轉與天同年未度陽九

靈寶无量人上品妙經

百六風刀水火之難超凌三界逍遙九清九
清之天天帝鑑冥無色之境梵行

東方八天

靈蘭雲室天

帝記行宛盈

開真成化天

帝閻濟莊

祕景凝神天

帝逸塗獨雲

玉陽聖境天

帝赤序畢升

海國飛鄉天

帝穆衍離

崑崙靜虛音天

帝感時慶照

智常極仁天

帝述俱辭名

神島遊車天

帝益憑子柯

南方八天

帝諒官承方

炎正司治天

帝迪宗中宜

百豐就和天

帝沖仙九純

朱陵典禁天

帝兵穰仲和

降都昭靈天

帝暉道清

字庭校精素變天

帝響邦暑枚

剛璣度光天

帝達玄宥窺

都神耀羅天

帝成都析陽

威明廣兵天

西方八天

東臺羽武天

帝何稽魯傳

韓官篤辜天

帝明維子康

龜巖西臺天

帝冒興黎嚴

直申迅靈天

帝悉託思

地九

幽墟潛校天

帝伯耀光

挈瀆垂神天

帝遂防廉明

波關龍濟天

帝和冲乎

參首慶生天

帝勅利住賓

北方八天

洞陰夜城天

帝定平若澄

孤光玉峯天

帝寂蒙變統

黑岷雷司天

帝澤披戢光

正居錫玄天

帝慈虛祈昌

太一張遙天

帝尤金子營

素炁徊堂天

帝愍都交華

龍威捨滄天

帝遂開辟晞

至澤洪靈天

帝杜祥示恭

三十二天三十二帝諸天隱諱諸天隱名天

中空洞自然靈章諸天隱韻天中之音天中

之尊天中之神天中大魔天中之靈九開十
闢混合上清玄關大典幽妙難量造天立極
敷落十方今日欣慶會遇考試諸天已滅世
累斬絕惡根飛度五難乘景高奔真王監察
無制玄門東斗注生西斗司伐北斗執契南

地九

九

斗定格中斗帝室宣流聖澤青帝布機白帝
持筭赤帝御炁黑帝交貫黃帝中居大化分
判青天真王寶慶合離赤天真王玄真糾非
白天真王太素運時黑天真王天化霄暉黃
天真王靈炁所歸五天真王萬境之尊飛行

三界總領威兵持幢仗節遊行太清位號顯
著與天同生上玄化民嚴制幽局紫微受詔
掃珍秩祥天蓬執印神虎恢張流火前馳朱
鳳後翔六天大醜收付魁罡敢有干犯拒抗
天真神兵左戮巨殺右刑屠割除滅風火無
停千千截首萬萬誅形魔無侵試鬼無逆凌
三官北鄴明察鬼營敢容怠縱飛章奏呈普
告十方无量神靈八冥諸帝列言紫宸

混元無名非濁非清分爲兩半素玄肇平積
微爲仞大化生方劫號既定冥變龍康眇眇

靈寶度量人上品妙經

祖源混合文昌上無景色下無化淵風行太
虛空洞無邊自然聖境至道之玄碧霄降地
金水成天天上天下大舍沉冥無輝無影無
象無形溟滓元炁雙耀交并赤明玉虛運周
自然天一流化金簡玉篇赤陽至精八垣玄

文保制崑丘永劫長存梵炁彌羅萬法施張
元網交貫九地九天輪轉空無生成億千旋
遶蕭山回度飛曜三十九帝總攝上元十方
聖境統治丹玄中太真上景高皇炁炁玉
霞吟嘯洞清金延秀賴流盼雲營天青朗韻

靈光散煙太蕭鬱羅明化金編千和萬合自然成真真中有神長生大君青華左踞玉妃右躡太一司命桃康合淳執符把籍保度靈根上遊紫清出入玄丹三方之內六極之中下鎮人身明堂絳宮分治五神合會百骸十

地九

十

運回風萬炁俱仙飛神召靈變化無邊仙道貴生无量度人十方玄極開通八門飛行三界受書玉宸罪福禁戒宿命因緣感受濟度天正生身身得受生上聞諸天諸天之上各有生門中有天元合變之章太上靈篇辭參

高真

第一十方聖境飛空之音

玄光赤運

大梵無名

飛境飄飄

化闕九門

玉城盤回

碧落數明

旋臺萬劫

青華耀文

中有大聖

龍衣虎裳

首建紫宸

腰帶金璫

持握四境

化土中方

爾能長齋

鍊度文昌

蕩穢紫戶

納真絳房

二神擲火

元一揚光

見我真形

出沒低昂

繁繁存工

灼灼在傍

乘神以遊

綠室朱窓

我道杳密

心合靈鄉

第二十方聖境之章

一炁所變

萬境澄清

玄嶽鬱差

仙都玉京

長林茂秀

大有玉庭

朱衣龍章

開化生根

聖緣天運

正道開揚

炁貫飛煙

結花無常

穹樓千尺

巨闕明堂

龍游虎馳

朱旆雲綱

隱如太空

顯如宿張

發現應所行

即明善惡方

玉真跨斑龍

靈寶无度量人上品妙經

神風得高翔

第三十方聖境歌曰

龍漢大劫

萬品玄虛

元始開天

先造空无

大洞上元

清微禹餘

靈文九訓

玄真七舒

蕩蕩八垣

高升四隅

赤明啓運

列聖御圖

五山差莪

敷落赤書

蕩蕩天闕

巍巍帝居

靈光下濟

息役三塗

頌赦河源

真風廣敷

式歌此音

與聖同符

此三界之上飛空之中真王歌音音參洞章
誦之百徧名度南宮誦之千徧真王保迎萬
徧道備飛昇太空過度三界位登仙公有聞
靈音魔王敬形勅制地祇侍衛送迎拔出地
石五苦八難七祖升遷永離幽關魂度朱陵
受鍊更生是謂无量普度無窮有祕上天文
諸天共所崇泄慢墮地獄禍及七祖翁

道言此二章並是諸天上帝及至靈真王隱
祕之音深啓至玄發明洪化使彼天民咸入
聖境皆是大梵之言非世常辭言無韻麗曲

靈寶度量人上品妙經

無華宛故謂玄奧難可尋詳上天所寶秘於
高上神霄玉清玉府大君行教應悉流傳若
有至人齋金寶質心依舊格告盟十天然後
而付焉

道言夫天地運度否終日月五星虧盈至聖

地九

十二

神人休否末學之夫疾傷凡有此災同炁皆
當齊心修齋六時行香十徧轉經福德立降
消諸不祥无量之文普度無窮

道言夫末學道淺或仙品未充運應滅度身
經太陰臨過之時同學至人爲其行香誦經

十過以度屍形如法則生身所行善功所營
陰德當滅度時十方聖境皆現元始天尊安
座說法或擲手接引幡蓋來迎魂神徑上南
官隨其學功計日而得更生輪轉不惑便得
神仙

道言夫天地運終星宿錯度日月失光四時
失序陰陽不調國境生災疫毒流行兆民死
傷師友命過淨友災殃皆當修齋行香誦經
夫齋戒誦經功德甚重上消天災保鎮帝王
下禳毒害以度兆民生死受頭其福難勝故

曰无量普度天人

道言凡有是經能為天地帝主兆民行是功德有災之日發心修齋燒香誦經十過皆諸天記名萬神侍衛右別至人克得為聖君金闕之臣諸天記人功過毫分無失天中真王

地九

十三

亦保舉爾身得道者乃當洞明至言也

諸天中大梵隱語无量音 道君撰

元始靈書十方聖境秘篇

東方八天

群陀湮索 召鑑淵沛 靈馬逾網

期韜式晦 遼關彌望 列都夷悌
濛巖瞻羅 逸還周器 烏陽演赤
皓兇乾銳 報美丙山 璠章猶粹
祝多時延 綠真英仙 湛那覩泊
至良微瞻

南方八天

寶夏昆略 鯨池紫澗 跋玖但思
蕭南岐顛 寶節徂徠 密盟書玄
樂藻梯莫 直幾進綿 往黍乙趨
離咸資權 藍傍依序 歷高次宣

靈僅霄華臺池闕城
璣黨扶驅
洞籟潏溟

西方八天

庫岍牲勻丘慈始傷
庚井龍羅
柏房停香酌懈留激
屏麻辭真

雲業定相救多淪神
徹虛琅璫

燕都景凝感族揚鄙
智傳齊謨

混覺測靈維珙粗根
亮苔已禱

部墟塗垠

北方八天

侯汪迹元披景奪靈衣篤變契

郭多民達鍊泓寒穴招仙賁輪

蕩交逸區爭光蒲形早炁治東

司萌決同智騫環燿規璘冀沖

洞育邈里地九羸魁謁豐十四萬仙合絕

空靈寔功

道言此諸天中十方聖境大梵隱語无量之
音舊文題十方洞臺天闕玉都之上神化十
方靈隨應出空合道微悟解之者神鄉聖境
無不普現字皆廣長一丈天真皇人昔書其

文以爲正音有知其音能齋而誦之者諸天
皆遣十方聖境化土神王下觀其身書其功
勤上奏諸天萬神朝禮地祇侍門大功真王
保舉上真道備克得遊行三界升入金門此
音无所不辟无所不穰無所不度無所不成
天真自然之音也故誦之致十方飛天下觀
上帝遙唱萬神朝禮三界侍軒群祿東首鬼
精自亡琳琅震響十方肅清河海靜默山嶽
吞煙萬靈振伏招集群仙天無氛穢地無祲
塵冥慧洞清大量玄玄也

元始无量度人上品妙經卷之十九

地九

十五
